

Deporte Local

Aniversario Diamante di Riverplate 60 aña

ORANJESTAD (AAN)— Awe nos ta presenta un relato tocante e historia di e club di futbol ASV Riverplate den cuadro di e di 60 aniversario di fundacion.

Historia A.S.V. Riverplate
Riverplate ta di fiesta cu su 60 aña. Awe nos ta bai publica parti di e historia di A.S.V. Riverplate debi cu ful e historia di Riverplate riba papel a bai perdi door di enundacion nan Madiki. Nos ta compilando pida pa pida e historia for di e personan cu desde un principio a forma parti di e familia grandi di Riverplate te cu e dia di awe. E promer parti ta ser relata door di Sr. Lucasio D. Thomas segun e ta corda. Lo sigui hopi mas.

1950

Den añanan 50 di siglo 20, e districto di Oranjestad a conoce varios team di futbol e.o.: Volharder, Hollandia, Aruba Jrs., R.C.A. E prome team di futbol di e bario Playa Pabao tabata yama "S.V. Shell". E team tabata tin como hungadornan e.o.: Ovio Orman, Ladio Hayer, Calito Perez, Nathaniel Andrews, Frank Hellement y mas bao direccion di Sr. Hildo Croes. Despues cu e team a cai for di otro, door cu Shell a stop di existi na Aruba, algun di e hungadornan ariba menciona a bai hunga pa e otro teamnan di bario. Un di e hungadornan, Sr. Nathaniel Andrews, a dicidi di keda hunga den Madiki mes, hunto cu un paar di hungadornan.

1951

Tabata den e aña aki, cu Sr. Nathaniel Andrews a bin cu e idea di lanta un team/club deportivo di futbol pa e bario di Madiki. Ela mira, cu bario tabata tin hopi talentonan/prospectonan cu e potencial di bira un bon futbolista, pero cu no tabata existi un team, caminda e talentonan/prospectonan por alcanza nan maximo nivel. Pesey mayoria di e muchanan aki tabata bai hunga pa e otro teamnan di Oranjestad, e.o.: Hollandia, Aruba Jrs., R.C.A. Asina den aña 1952 a lanta e prome team di bario di Madiki bao di e nomber "Eagle Boys".

1952

E bario di Madiki ta conoce su prome equipo di futbol bao di e nomber "Eagle Boys". E equipo aki tabata consisti di e

ki, cu Sr. Nathaniel Andrews den e team. E team tabata hunga den B-klas. E mesun aña aki e bond madre, A.V.B., ta pidi pa e teamnan afilia tin un statuur den nan poder, si kier sigui participa den e campeonato(nan) organisa. Akinan e team "Eagle Boys" a aserca e club Aruba Jrs. Pa hiba combersacion pa por a ricibi un copia di e statuto di club Aruba Jrs. Despues di a ricibi e copianan corespondiente, e team a dicidi di reuni na cas di Sr. Novid (Ovio) Orman, tocante e statutonnan ricibi, pa hasi cualkier cambio na beneficio di e team. Tambe riba iniciativa di Sr. Nathaniel Andrews a bini e idea pa cambia e nomber di e team. Diferente nomber a bini dilanti e.o. "Madiki Boys", "S.V. Madiki", pero esun di Sr. Fabian Gnecco a hanja sosten grandi, cual ta pues "Riverplate".

Dus, "Riverplate" a nace, cu Sr. Nathaniel Andrews como e fundador y Srs. Luis Brito y Lucasio Thomas como co-fundadornan. Hunto cu e aprobacion di cambionan den e copianan di statutonnan, e team por a participa den e campeonato organisa pa A.V.B., dus den B-klas. Esaki, cu e aprobacion di e statutonnan, a sosode na aña 1953, 1 februari. E team tabata tin den su filanan hungadornan manera e.o.: Luis Brito (Seco), Calito Perez, Siro Bustillo, Jose Perez, Mario Mateo, Nathaniel Andrews (El Caball Negro), Steve Alexander, Enrique Martis, Ladislao (Ladjo) Hayer, Alfonso Steenen, Fabian Gnecco, Gregorio (Gooy) Martis y Vicente Orman.

Como entrenador di e team aki, a toca e honor na Sr. Novid "Ovio" Orman, kende alavez tabata e prome presidente di e club deportivo aki.

Esaki tambe a bira e prome team di Riverplate, cu a gana su division, dus B-klas, como campeon y a promove pa division A-klas, etc. Durante e siguiente añanan, e team a sali campeon den e diferente divisionnan, te cu a logra subi pa e tempo aya conoci como "Hoofdklasse", awor Division Honor.

E prome directiva tabata consisti di e siguiente personanan:

Presidente: Novid Orman (alavez prome entrenador di e team)

Vice Presidente: Francisco

"Chico" Marquez
1e Secretario: Jose Perez
2e Secretario: D.R. Jackson
1e Tesorero: Jose Pertenero
2e Tesorero: Lucasio Thomas

Tambe por bisa, cu e prome uniform di e team tabata: Camisa blanco cu strepo cora dwars y R.P.; Carson deportivo blanco, dus no largo te bao di rudia, y mea blanco.

E uniform aki tambe tabata coincidi cu e unifrom di e team di Argentina cu e mesun nomber.


E uniformnan aki a wordo traha y cosi door di Sra. Simone Orman, cu tambe tabata laba y strika e uniformnan aki. Tambe tabata tin otro hendenan ta juda cu esaki.

Despues e carson a blanco a wordo cambia pa e color blauw scur, cu aprobacion di directiva den un reunion, door cu e blanco tabata keda demasiado sushi, cu tabata pensa, cu e hungadornan a hunga cu mancanan riba e carsonnan. Ultimo añanan e team a dicidi di cambia e carson blauw pa carson preto, tambe blanco cu cora.

Tambe mester remarka cu hunto cu e cambio di e carson blauw a bini e cambio di color nan di mea pa prome cora, pa awor preto y tambe blauw.

E bandera y emblema di e team a wordo diseña y traha door Sr. Steve Alexander. Riba e bandera tey presente color, nomber y emblema di "A.S.V. Riverplate".

Na aña 1963 mester a hasi un



cambio drastico den e statutonnan di e club, ora cu Aruba Jrs a ripara un fout garafal deb e statutonnan existente. E fout aki tabata concentra mas den e articulonnan 2 y 4.

Cambio den articulo 2: Verenigingsjaar → 1 januari – 31 december.

Cambio den articulo 4: Ledenklas o.a. werkende, junioren, gewone.

Vooral articulo 4 a hera nek e club, ya cu e palabra "werkende leden", no tabata cuadra cu e realidad door cu e no tabata defini e distincion entre e adolescente, (≥18 jaar) y e hubentud (<18 jaar).

Te cu aki e parti relata door di Rudi Thomas. Riverplate como organisacion a cumpli e bunita edad di 60 aña y nos lo tin hopi actividad durante ful e aña. Pa cuminsa nos lo festeje manera debe ser diasabra dia 2 di februari 2013 cu un misa na Kapel di Madiki pa 6'or di atardi pa gradici Dios pa tur e 60 añanan di existencia y alavez gradiciendo tur e fundadornan, miembronan di directiva, hungadornan y fanatico, colaboradornan, nan cu sem-

per ta cu Riverplate, aunque nos sa cu e ultimo añanan hopi a bai cu winterslaap. Pero lanta aruba e aña aki ta aña di River. Tambe un danki grandi na tur e sponsornan cu a colobra cu Riverplate e sun cu ta colaborando y tur nos sostenadornan.

Nos di dos actividad ta tuma lugar dia 8 di februari riba veld di A.S.V. Riverplate pa 5:30 di atardi caminda cu lo tin un presentacion door di Minister B. Sevinger di e plannan, mapa di e joya di culbhuis cu lo ser construi na tereno di Riverplate y tambe un presentacion pa cu e omgeving rond di e stadion di Riverplate, e.o. parkeerplaatsen y embeeyimento.

Un invitacion especial ta bai na tur e ex miembronan di directiva di Riverplate, na tur e ex hungadornan di Riverplate, tur e hungadornan actual di Division Honor, Junior, Major, Menor y Lifida, e staf techniconan, colaborador y ta cla pa yuda pa bin dal un brindis cu nos na honor di nos 60 aña, corda bin di nos tur e ta e bunita edad di 60 aña.

Bo ta mira algo pasando?

Accidente • Candela • Detencion • Razzia



Yama
Tipline
di
DIARIO

582-2239

Yama 24 ora pa dia!